

KONTRATË E PUNËDHËNËSIT PËR ANËTARËSIM NË FONDIN E PENSIONEVE VULLNETARE “SIGAL”

Mbështetur në nenin 53 të ligjit nr.10197, datë 10.12.2009 'Për Fondet e Pensioneve Vullnetare' si dhe në aktet e shoqërisë administruese të fondeve të pensionit, sot më datë ____/____/____, në _____ nënshkruhet kjo kontratë me përfaqësuesit e palëve si më poshtë:

PUNËDHËNËSI

Z/Znj. _____” në cilësinë e punëdhënësit për punëmarrësit (i cili në nenet vijues të kësaj kontrate do të përdoret me termin PUNEDHENESI), përfaqësues ligjor i subjektit _____, person juridik i rregjistruar me Nipt _____, Kodi fiskal _____, me adresë _____, _____, i cili kërkon të anëtarësojë punëmarrësit e tij në Fondin e Pensioneve Vullnetare “SIGAL” për të marrë pjesë në skemën e pensionit vullnetar me kontribute të përcaktuara.

SHOQËRISË ADMINISTRUESE

Shoqëria Administruese e Fondeve të Pensionit “SIGAL Life UNIQA Group AUSTRIA” sh.a, me seli në Tiranë, Bulevardi Zogu i Parë, Nr.1 me nr. ____ liçensë, lëshuar nga Autoriteti i Mbikëqyrjes Financiare të Republikës së Shqipërisë, përfaqësuar nga Z. _____, me funksion _____ i cili ka fuqi të plota për të nënshkruar këtë kontratë.

Palët kontraktuese bien dakord si më poshtë:

Objekti i Kontratës

Neni 1

Objekt i kësaj kontrate është përcaktimi i të drejtave dhe detyrimeve të punëdhënësit dhe shoqërisë administruese për anëtarësimin e punëmarrësve në Fondin e Pensionit Vullnetar “SIGAL”.

Qëllimi i Kontratës

Neni 2

Qëllimi i lidhjes së kësaj kontrate është anëtarësimi i punëmarrësve në Fondin e Pensioneve Vullnetare “SIGAL” dhe sigurimi me pension vullnetar i të gjithë punëmarrësve të subjektit.

Detyrimet e Punëdhënësit

Neni 3

Pjesëmarrjen në fondin e pensionit vullnetar “SIGAL”, Subjekti ua ofron të gjithë punëmarrësve me një kontratë të rregullt pune. Madhësia e kontributit të punëdhënësit përcaktohet në marrëveshjen që lidhet me përfaqësuesit e punëmarrësve, sipas dispozitave të Kodit të Punës

Neni 4

Në cilësinë e punëdhënësit për punëmarrësit e tij, SUBJEKTI merr përsipër detyrimin për të paguar kontribute mujore në shtesë të atyre, të paguara për skemën e detyrueshme të Sigurimeve Shoqërore për të gjithë punëmarrësit e tij në Fondin e Pensionit Vullnetar “SIGAL”

Neni 6

PUNEDHENESI kryen vullnetarisht çdo muaj për muajin pasardhës, pagesën e kontributeve për sigurimin vullnetar të punëmarrësve në nivelin e përcaktuar në pjesën Aneks, që i bashkëlidhet kësaj kontrate.

Neni 7

PUNEDHENESI bën ndalesat e pjesës së kontributit që punëmarrësi merr përsipër vullnetarisht të derdhë në Fond dhe bashkë me pjesën e punëdhënësit të kryejë pagesën e kontributeve vullnetare brenda një afati jo më vonë se dita

e pesëmbëdhjetë e muajit pasardhës.

Neni 8

PUNEDHENESI pas kryerjes së pagesës mujore të kontributeve për sigurimin vullnetar të punonjësve, paraqet çdo muaj pranë SH.A.F.P “SIGAL Life UNIQA Group AUSTRIA” sh.a listëpagesën e punonjësve, në të cilën duhet të jetë pasqyruar edhe niveli i kontributit të paguar si nga punëmarrësi, ashtu dhe nga punëdhënësi i tij, në mënyrë të ndarë, kur punëmarrësi dëshiron të marrë pjesë.

Neni 9

Kontributet e paguara nga punëdhënësi, ose cdo person tjetër në favor të punëmarrësit vlerësohen si kontribute të paguara nga vetë punëmarrësi. Punëdhënësi është përgjegjës ndaj punëmarrësve të vet për mos pagimin e kontributeve të parashikuara në këtë kontratë.

Neni 10

PUNEDHENESI mund të kufizojë të drejtën e anëtarit për kontributet e dhëna nga punëdhënësi, duke kërkuar që punëmarrësi të jetë punësuar te punëdhënësi për një periudhë të caktuar vitesh. Periudha përpara se punëmarrësi t'i njihet e drejta e përfitimit të kontributeve të paguara nga punëdhënësi nuk mund të jetë më e gjatë se dy vjet, filluar nga dita kur është bërë nga punëdhënësi pagesa e parë e plotë e kontributeve për sigurimin vullnetar të punëmarrësve të tij. Kur punëdhënësi ndërpret marrëdhënien e punës me punëmarrësin, në mënyrë të njëanshme, pa shkaqe të arsyeshme dhe jo për shkaqe të lidhura me punëmarrësin përpara periudhës së përcaktuar në paragrafin e parë të këtij neni, kontributet e bëra nga punëdhënësi do t'i transferohen punëmarrësit.

Neni 11

Përveç detyrimeve të mësipërme, punëdhënësi detyrohet të zbatojë të gjitha detyrimet e tjera që rrjedhin nga aktet ligjore dhe nënligjore në fushën e sigurimit vullnetar në Shoqërinë Administruese të Fondeve të Pensionit “SIGAL Life UNIQA Group AUSTRIA” sh.a.

Neni 12

Për çdo ndryshim të numrit të të punësuarve në aktivitetin e tij, punëdhënësi është i detyruar të njoftojë paraprakisht Shoqërinë Administruese të Fondit të Pensioneve. Mënyra dhe koha e kryerjes së këtij njoftimi përcaktohet me marrëveshje mes tij dhe Shoqërisë Administruese të Fondit të Pensioneve.

Neni 13

PUNEDHENESI është përgjegjës ndaj punëmarrësve të vet për mospagimin e kontributit të parashikuar në kontratën individuale të anëtarësimit. Shuma e përgjegjësisë varet nga shuma e kontributeve, që nuk janë paguar ose nuk janë paguar plotësisht në fondin e pensionit, nga të ardhurat nga investimet, të parashikuara për periudhën në fjalë dhe nga çdo kosto, që mund të ketë punëmarrësi për të detyruar punëdhënësin të respektojë detyrimin e tij për të paguar kontributin.

Neni 14

PUNEDHENESI kërkon zbatimin e plotë të të gjitha detyrimeve që i linden SH.A.F.P. "SIGAL Life UNIQA Group AUSTRIA" sh.a nga zbatimin e akteve ligjore e nënligjore për administrimin e llogarive të anëtarëve, si dhe për dhënien e përfitimeve personave të anëtarësuar.

Neni 15

PUNEDHENESI i cili dëshiron të dalë nga Fondi i Pensionit Vullnetar "SIGAL" është i obliguar të informojë me shkrim për këtë veprim, anëtarët e fondit, shoqërinë administruese dhe Autoritetin e Mbikëqyrjes Financiare të paktën 3 muaj përpara vendimit për daljen nga fondi.

Detyrimet e Fondit

Neni 16

Shoqëria Administruese e Fondeve të Pensionit "SIGAL Life UNIQA Group AUSTRIA" sh.a, brenda 30 ditëve pas miratimit e nënshkrimit të Kontratës së Anëtarësimit me PUNEDHENESIN, lidh kontratën individuale të anëtarësimit me çdo të punësuar, ku përcaktohet edhe masa e kontributit që do të paguajë vetë i punësuar, sipas kontratës individuale tip të anëtarësimit të shoqërisë administruese të fondit të pensioneve.

Neni 17

Shoqëria Administruese e Fondit të Pensioneve "SIGAL Life UNIQA GROUP AUSTRIA" sh.a krijon për secilin të anëtarësuar një llogari individuale në të cilën, regjistrohen të gjitha pagesat e kontributeve të bëra nga ai vetë dhe nga Subjekti, si dhe të gjitha mjetet e tjera që grumbullohen në këtë llogari si rezultat i fitimit të ardhur nga investimi.

Neni 18

Shoqëria Administruese e Fondeve të Pensionit "SIGAL Life UNIQA GROUP AUSTRIA" sh.a, nëpërmjet "depozitarit" krijon mundësinë që anëtarin e fondit të njihet në çdo kohë me gjëndjen e llogarisë së tij dhe ka detyrimin që një herë në vit të njoftojë me shkrim çdo anëtarë dhe subjektin për gjëndjen e mjeteve në llogarinë individuale.

Neni 19

Shoqëria Administruese e Fondeve të Pensionit "SIGAL Life UNIQA Group AUSTRIA" sh.a publikon në mënyrë dhe afate kohore të përcaktuara në ligj, raportin vjetor të kompanisë, të ardhurat e fondit, vlerën e njësive të investimeve, normën e fitimit etj.

Neni 20

Shoqëria Administruese e Fondeve të Pensionit "SIGAL Life UNIQA Group AUSTRIA" sh.a merr përsipër të informojë PUNEDHENESIN për ndryshimet që do të kenë dispozitat, rregulloret e tarifave të Fondit të Pensionit Vullnetar "SIGAL"

Zbatimi i tarifave

Neni 21

Shoqëria Administruese e Fondeve të Pensionit "SIGAL Life UNIQA Group AUSTRIA", sh.a merr përsipër të njoftojë tarifave të pjesëmarrjes të shërbimit të Fondit të Pensionit të çdo anëtarin të anëtarësuar në fond.

Çdo rritje e tarifave të zbatuara nga SH.A.F.P "SIGAL Life UNIQA Group AUSTRIA" sh.a do t'u njoftohet anëtarëve, të paktën dymbëdhjetë muaj përpara se ato të hyjnë në fuqi.

Neni 22

Shoqëria Administruese e Fondeve të Pensionit "SIGAL Life UNIQA Group AUSTRIA", sh.a, në zbatim të ligjit në fuqi për Fondet e Pensioneve Vullnetare, për vitin 2011 do të zbatojë këto tarifa;

a) për koston e administrimit të fondit të pensionit, 3 përqind të vlerës neto të aseteve të fondit të pensionit;

b) për transferimin e aseteve nga anëtarët e një fondi pensioni në një fond pensioni të ri, ose tërhiqjen nga fondi i pensionit 0,5 për qind të shumës së transferuar.

c) për terheqjet e parakoheshme të pensionit anëtarët e fondit të pensioneve do të paguaj penalitete si me poshte;

- 2 % të aseteve të terhequra pas 20 vjet nga dita e pagesës së kontributit të parë - 5 % të aseteve të terhequra pas 10 deri 20 vjet nga dita e pagesës së kontributit të parë

- 10 % të aseteve të terhequra pas 5 deri 10 vjet nga dita e pagesës së kontributit të parë

- 15 % të aseteve të terhequra deri 5 vjet nga dita e pagesës së kontributit të parë

Penalitetet e tërheqjes së parakoheshme nuk do të aplikohen ndaj Anëtarëve të Instituteve Private të Pensioneve CAPITAL sh.a, të cilët kalojnë automatikisht në një fond të pensionit vullnetar për shkak të pamundësisë së kontaktimit nga Shoqëria Administruese, kur ata vendosin të ndërpresin anëtarësimin dhe të tërheqin asetet e tyre nga llogaria personale.

Favorizimet Fiskale

Neni 23

Kontributet e bëra nga punëdhënësi në interes të punëmarrësve të tij në një plan pensioni profesional, në zbatim të ligjit nr.10197, datë 10.12.2009 "Për Fondet e Pensioneve Vullnetare, konsiderohen shpenzim operativ dhe kjo shumë vlerësohet shpenzim i zbritshëm, për qëllime të tatimit mbi fitimin të punëdhënësit.

Dispozita të Përbashkëta

Neni 24

Nëse secila nga palët nënshkruese të kësaj kontrate kërkon të tërhiqet nga zbatimi i saj, atëherë ajo është e detyruar të njoftojë palën tjetër brenda një afati jo më pak se tre muaj nga data që ka vendosur të tërhiqet. Tërësia e kushteve dhe procedurave për përfundimin e pjesëmarrjes dhe transferimin e aseteve të anëtarit në një fond tjetër pensioni referon në rregulloret e shoqërisë (Rregullorja për Administrimin e Kontributeve dhe Përfitimeve).

Neni 25

Nëse tërheqja nga zbatimi i kontratës vjen si rezultat i shkrirjes, i bashkimit, i ndarjes, apo i mbylljes së aktivitetit të seciles palë nënshkruese, atëherë për kompensimin e pjesëmarrësve, të cilët nuk ishin shkaktarë të ndërprerjes së kontratës referimi do të bëhet në dispozitat e Kodit Civil të Republikës së Shqipërisë.

Kohëzgjatja e Kontratës

Neni 26

Kjo kontratë do të fillojë në datën e dhënies së vendimit përfundimtar nga Autoriteti i Mbikëqyrjes Financiare, fiton efekte ligjore me pagesën e kontributeve nga punëdhënësi dhe mbyllet brenda afatit kohor të caktuar në kontratë.

Ndryshimet e Kontratës

Neni 27

Ndryshimet dhe plotesimet e kësaj kontrate mund të arrihen vetëm me miratimin e dy palëve kontraktuese, vetëm pasi më parë të jetë marrë miratimi nga Autoriteti i Mbikëqyrjes Financiare.

Ndërprerja e kontratës

Neni 28

Zgjidhja e mosmarrëveshjeve që mund të lindin nga zbatimi i kësaj kontrate, bëhet me mirëkuptim midis palëve, ose në rast të kundërt, çdo pale ka të drejtë t'i drejtohet gjykatës se rrethit gjyqësor.

Hyrja në Fuqi

Neni 29

Kjo kontratë hyn në fuqi me nënshkrimin e saj nga të dyja palët.

SUBJEKTI

përfaqësuar nga:

[Blank signature line]

(Emri, mbiemri, firma)

SH.A.F.P.

'SIGAL Life UNIQA GROUP AUSTRIA' sh.a.

përfaqësuar nga:

[Blank signature line]

(Emri, mbiemri, firma, vula)